



REGIONE AUTONOMA DE SARDIGNA
REGIONE AUTONOMA DELLA SARDEGNA

SUBCOMUNALE
**ISPORTELLU
SPORTELLO** LINGUÍSTICU
LINGUISTICO



Laerru



Ossi



Martis



Uri



Usini



Piaghe

Atividade acumprida cun su contributu de sa Regione Sardigna L.R. 22/2018 art.

Comune de Ossi

VERBALE DE DELIBERATZIONE DE SA GIUNTA MUNITZIPALE

N°92 de su Reg. Die 14-07-2023

Chistione: Traballos de manutentzioone de su basoladu e lastricadu de su tzentru istoricu, contributu a sa Consulta de Ossi pro organizare tres seradas de mùsica cando finint sos traballos, diretivas a sos Responsàbiles de s'àrea Culturale e de sa Politzia Locale.

S'annu duamìgia binti tres sa die batòrdighi de su mese de triulas a sas 9:00,in sa sala Giunta de sa Domo Comunale, cunvocada pro determinatzione de su Presidente, s'est riunida sa Giunta Munitzipale, b'ant leadu parte sos Segnores:

Lubinu Pasquale	Sìndigu	P
Cau Angelino	Vitze sindigu	P
Canu Antonino	Assessore	P
Serra Maria Laura	Assessore	P
Cossu Maria Laura	Assessore	P
Giuranna Tatiana	Assessore	P

PRESENTES n.6 AUSENTES N°0

Iscumproadu chi b'est su nùmeru legale pro chi s'adunàntzia siat vàlida, leat sa Presidèntzia Dut. Pasquale Lubinu, in calidade sua de Sìndigu. Leat parte cun funtziones consultivas, referentes, de assistèntzia e verbalizatzione (Art.97, c.4, lìtera a) del D.Lgs. n.267/2000) su Segretariu Comunale Silvano Arru.

SA GIUNTA COMUNALE

Postu in antis chi sunt fatende sos traballos de manutentzioone istraordinària de su basoladu e de su lastricadu de carrera Angioy, e chi pro custos traballos sa carrera mentovada est serrada a su tràficu;

Leadu a consideru chi, pro comente sunt sestadas sas carreras in su tzentru istòricu de Ossi, essende serrada sa carrera Angioy sa bidda est partzida in duos ca non b'at àteru caminu e tocat de colare in sa tzirconvallatzione, pro custu in sas atividades chi sunt in sos tretos de sos traballos sos clientes sunt minimados;

Dadu atu chi, pro minimare sas dificultades sos traballos de carrera Angioy sunt partzidos comente iscritu suta:

FASE 1 – Dae su Palatzu de su Barone a s'incròtziu cun carrera Vittorio Veneto;

FASE 2 – Dae s'incròtziu cun carrera Vittorio Veneto a s'incròtziu cun carrera Salita Cagliari;

FASE 3 – Dae carrera Vittorio Veneto a Carrera S. Teresa delle rose.

Bidu chi sa fase 1 est comintzada su 19 de làmpadas e est belle finida;

Leadu a consideru chi durante sas fases 1-2-3 pro andare dae su rione Sos Pianos a su rione Litterai, e a s'imbesse, at a tocare a colare in sa tzirconvallatzione;

Dadu atu chi pro sos àteros interventos in carrera Brigata Sassari, carrera Marconi, carrera Volta, e gasi sighende no at a tocare a deviare su tràficu in sa tzirconvallatzione;

Leadu a consideru chi, cando ant a finire de collocare sas lastras e sos cubos de pedra niedda mancari sa carrera at a èssere libera dae su cantieri at a tocare de la lassare serrada a su tràficu pro chi su tzimentu si potzat sicare e consolidare;

Ritènnidu chi, in sas dies mentovadas, cando at a finire cada fase, in sas carreras serradas a su tràficu podet èssere de giudu organizare tres seradas de mùsica e, in collaboratzione cun sa Consulta de Ossi, sas atividades cummertziales (pizzerias, bar, etz.), pònnere taulinos in foras in custos seros de istiu, pro sustènnere sas atividades de sa carrera chi ant àpidu dificultade pro sa serrada de sos traballos.

Ritènnidu chi su Comune de Ossi potzat previdere s'esentzione dae su pagamentu de su suolu públicu pro sas atividades chi ant a collocare in foras taulinos e cadreas pro sas dies mentovadas subra;

Ritènnidu de dèpere dare diretivas a sos Responsàbiles de s'àrea culturale e de sa Politzia Locale pro sos provedimentos chi lis pertocant;

Leados sos parres pro su chi pertocat sa regularidade tècnica e contàbile, espressados in cunforma a s'art 49 de su D.Lgs. 267/2000 vigente;

Bidu s'Istatutu comunale;

Cun votos a favore concordes, espressados in forma palese e pro artziada de manu

deliberat

Sa premissa narrativa est parte integrante e sostanziale de custu provedimentu;

De cuntzèdere unu contributu istraordinàriu a sa Consulta de Ossi, pro cantu iscritu subra, pro organizare tres seradas de mùsica a sa fine de cada una de sas tres fases de esecutzione de sos traballos de manutentzioone istraordinària de su lastricadu e basoladu de sa Carrera Angiox;

De esentare dae su pagamentu de su suolu pùblicu sas atividades cummertziales chi ant a pònnere taulinos e cadreas in foras in sos tres seros de mùsica mentovados.

De demandare a su Responsàbile de su Setore cumpetente s'adotzioone de cada atu chi sighit;

De declarare custa deliberatzione eseguibile luego,in cunforma a s'art. 134 comma 4 de su D. Lgs. n. 267/2000.